

INCIDENCIAS E AVARIAS: 605 842 277

INFORMACIÓN: 981664204

IMPORTANTE

1. Comprobar o bo estado da bicicleta antes de pasar a tarxeta.
2. Pasar a tarxeta indicando o número da bici, ten dous minutos de tempo para quitala da base.
3. Recordar pasar a tarxeta despois de deixar a bici na base; e **indicar en pantalla o número de praza onde se deixou a bici**. Se non se indica, o sistema non permitirá retirar unha nova bici.

Culleredo en bici (www.culleredoenbici.es)

É un sistema de préstamo de bicicletas promovido polo Concello de Culleredo en colaboración co Instituto Enerxético de Galicia (INEGA) para facilitar e potenciar o uso da bicicleta como medio de transporte urbano no Concello de Culleredo.

Persoas usuarias

Poderán ser usuarios e usuarias do servizo municipal de préstamo de bicicletas todas as persoas maiores de idade que se dean de alta no servizo.

As persoas de entre 16 e 17 anos poderán darse de alta no servizo coa autorización expresa e declaración de responsabilidades dalgún dos seus pais ou titores.

Alta no sistema

A alta pódese tramitar nas seguintes dependencias municipais:

- ✓ Centro municipal Pablo Picasso. Rúa Antonio Machado, s/n. O Burgo-Culleredo

Documentación

- ✓ Modelo normalizado de solicitude cuberto
- ✓ Fotocopia do DNI
- ✓ Xustificante bancario de aboamento

Unha vez presentada a documentación se entrega unha tarxeta cun número de pin co que poderás utilizar o servizo de préstamo de bicicletas.

Custe

O custe de alta no servizo é:

- ✓ Tarxeta: 3,50€/ud
- ✓ Modalidade 1: só para persoas empadroadas en Culleredo que queiran utilizar o servizo de xeito habitual. Dá dereito ao emprego durante un ano do servizo de aluguer de bicicletas: 11€/ano
- ✓ Modalidade 2: para o resto das persoas usuarias. Dá dereito ao emprego durante unha semana do servizo de aluguer de bicicletas: 6€/semana.

O aboamento pódese facer nas seguintes oficinas bancarias:

- ✓ ABANCA: IBAN ES79 2080 0065 3731 1000 0020
- ✓ BANCO SANTANDER (Banco Santander, SA): IBAN ES02 0049 6039 4128 1045 6459
- ✓ BBVA: IBAN ES60 0182 6244 4002 0015 0284

Centro municipal Pablo Picasso. Rúa Antonio Machado, s/n. 15670 O Burgo-Culleredo (A Coruña)

Tlf. 981 664204 - Fax: 981 661030 - E-mail: turismo@culleredo.es

www.culleredoenbici.es

NORMAS DE USO DO SISTEMA DE PRÉSTAMO DE BICICLETAS

Lugares de préstamo

- ✓ Paseo marítimo do Burgo. Avenida da Coruña con Avenida Juan Carlos I
- ✓ Paseo do río Trabe. Vilaboa. Rúa Luís Seoane.
- ✓ Urbanización A Ría. Fonteculler. Praza A Ría.

Horario

- ✓ Tempada de verán: de 09:00 a 21:00 horas

O Concello resérvase a facultade de aumentar ou diminuír os horarios de utilización, dando suficiente publicidade ás medidas adoptadas.

1. O uso da bicicleta dependerá da dispoñibilidade das mesmas nos puntos de préstamo.
2. Establécese un período máximo de utilización do servizo para cada desprazamento de dúas horas. Unha vez que se exceda este período o sistema non permitirá un novo desprazamento ata que non transcorra un prazo de dúas horas.
3. A bicicleta só poderá ser usada dentro da zona urbana de Culleredo. En ningún caso se utilizará en escaleiras, ramplas, campos de terra etc.
4. O usuario comprométese á conservación e bo uso da tarxeta. Para os supostos de extravío ou rotura, e/ou solicitude dun duplicado, o custo de emisión da nova tarxeta deberá ser soportado polo usuario.

Dereitos

- a) Toda persoa ten dereito a darse de alta no servizo sempre que cumpra as condicións que establece este regulamento.
- b) Os usuarios adquiren, mediante a inclusión no servizo, o dereito á utilización nas condicións e limitacións que se establecen neste regulamento.
- c) O usuario disporá de bicicletas en perfecto estado de uso e funcionamento.
- d) Para reclamar sobre as condicións e circunstancias que afecten á prestación do servizo, o usuario poderá dirixirse ao xestor do servizo.
- e) Poderase cursar baixa voluntaria do sistema de préstamo mediante un escrito no que se solicite a baixa e a entrega da tarxeta.

Obrigas

1. Obrigas

- a) Facer uso do servizo e da bicicleta coa máxima dilixencia. Durante o tempo de utilización o usuario ten a obriga de custodiar a bicicleta, respectar as normas de circulación viaria e facer uso correcto do servizo. Recoméndase o uso de casco e de chaleco reflectante, en especial nas horas de menor visibilidade.
- b) Non ceder o uso, baixo ningún concepto, a terceiras persoas.
- c) Utilizar a bicicleta, exclusivamente, para o transporte persoal.
- d) Utilizar a bicicleta, exclusivamente, no núcleo urbano do termo municipal.
- e) Comunicar á oficina de información do usuario calquera avaría ou calquera accidente que tivese a bicicleta, sinalando as condicións e o lugar na que se atopa depositada. Se por razóns de avaría a bicicleta non fose depositada nunha estación, o usuario asumirá a custodia da bicicleta por un prazo de dúas horas posteriores á comunicación da avaría.

- f) Asumir plenamente, desde o momento da retirada da bicicleta para o seu uso, e ata o instante da súa devolución nunha estación, a garda e custodia da bicicleta, respondendo persoalmente da súa boa conservación e da súa restitución ao termo do período de uso.
 - g) Mostrar obrigatoriamente, durante a utilización do servizo, a tarxeta de acceso ao servizo como documento acreditativo, cando o soliciten as persoas habilitadas e autorizadas.
O usuario, ao tempo de retirar a bicicleta para o seu uso, obrígase a comprobar os freos e o estado xeral da bicicleta. En caso de que a bicicleta non se atope en boas condicións de uso, o usuario poderá devolvela e retirar outra.
 - h) Devolver a bicicleta nun aparcabicycletas ao acabar o período de uso, sen posibilidade de prórroga.
 - i) Restituír a tarxeta de usuario cando fose requirido para isto.
 - j) Comunicar obrigatoriamente, en caso de roubo da bicicleta, e nun prazo máximo de dúas horas, a súa desaparición a través do teléfono de atención ao usuario, ou persoalmente nunha oficina de atención ao usuario. O usuario está obrigado a presentar ante o Concello unha copia da denuncia policial dos feitos.
 - k) Coñecer e aceptar as condicións establecidas nesta regulamento.
2. O usuario é o único responsable dos danos causados a si mesmo ou a terceiras persoas ou a calquera ben, moble ou inmovible, pola utilización ou uso normal ou anormal do servizo de préstamo de bicicletas. O Concello está eximido dos danos que o usuario poida sufrir ou producir mentres fai uso da bicicleta e non se responsabilizará dos danos ou prexuízos producidos polo mal uso da mesma, nin dos causados a terceiros.
3. No caso de incidente que afecte ás condicións mecánicas da bicicleta e sen prexuízo da obriga de comunicación, esta quedará baixo a responsabilidade da persoa usuaria ata que a deposite nun aparcadoiro do sistema ou a poña a disposición do Concello ou a empresa encargada da xestión do servizo
4. A tarxeta de usuario de acceso ao sistema de préstamo de bicicletas é propiedade do Concello. No caso de perda, roubo ou deterioro da mesma, o usuario deberá notificalo inmediatamente co fin de proceder a anulación da mesma. O usuario realizará de novo o proceso de alta como tal.

Prohibicións

- a) A utilización da bicicleta fóra do horario e lugares establecidos.
- b) Prestar, alugar, ceder ou realizar calquera outro acto de disposición da bicicleta a favor de terceiros, con ou sen ánimo de lucro.
- c) O uso da bicicleta en competicións de calquera clase.
- d) A desmontaxe ou manipulación da bicicleta.
- e) O uso da bicicleta para fins distintos aos que constitúen o obxecto do servizo e en particular o seu uso con fins comerciais ou profesionais.
- f) O transporte na bicicleta de calquera persoa ou animal e integrar elementos alleos que poidan servir para estes fins.

Infraccións e sancións

➤ Infraccións leves

- 1. O retraso en máis de 30 minutos na devolución da bicicleta non debida a causas xustificadas.
- 2. Non aparcar a bicicleta, durante o tempo que dure o préstamo, en zonas adecuadas ou seguras que non interfiran o paso nin potencien situacións de inseguridade.

➤ Infraccións graves

- 1. Utilizar a bicicleta fóra das zonas establecidas neste regulamento.
- 2. Prestar gratuitamente a bicicleta a terceiras persoas.
- 3. Non respectar de forma grave as normas de tráfico establecidas para estes vehículos.
- 4. Devolver a bicicleta en mal estado de funcionamento.

5. Non comunicar calquera desperfecto, percance ou accidente que ocorra durante o seu uso.
6. Producir danos na bicicleta por un uso incorrecto da mesma.

➤ **Infraccións moi graves:**

1. Utilizar a bicicleta con fin de lucro, alugala, vendela ou utilizala para fins comerciais.
2. Non realizar denuncia no suposto de roubo da bicicleta.
3. Impedir ou obstaculizar o uso do servizo a outras persoas con dereito á súa utilización.
4. Abandono inxustificado da bicicleta.

Sancións

- Infraccións leves: poderán sancionarse coa suspensión do servizo de ata 1 día completo e multa de ata 50 €.
- Infraccións graves: poderán sancionarse coa suspensión do servizo de ata 15 días, baixa de oficio e prohibición de alta no servizo durante un período de ata 1 ano e multa de ata 300 €.
- Infraccións moi graves: poderán sancionarse con baixa de oficio e prohibición de alta no servizo durante un período de ata 5 anos e multa de ata 500 €.

Responsables

Serán responsables das infraccións deste regulamento as persoas usuarias do servizo de préstamo de bicicletas, así como os seus representantes legais cando sexan menores de idade.

En calquera caso, a administración ou xestor do servizo poderá reclamar pola vía xudicial ordinaria os danos e prexuízos que o usuario ocasione.